

ქ. თბილისის მუნიციპალიტეტის მერია
ნაძალადევის რაიონის გამგეობა



ნაძალადევის გამგეობის ადმინისტრაციული შენობისათვის საოფისე
ავეჯის შესყიდვის გამარტივებული ელექტრონული ტენდერის
სატენდერო დოკუმენტაცია

CPV- 39100000

ქ. თბილისი
2015 წელი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად. იხ. ვებ. გვერდი <http://procurement.gov.ge/>

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 შემსყიდველ ორგანიზაციაში წარმოსადგენი ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად

1.6 სატენდერო დოკუმენტაციაში განსაზღვრულ შესასყიდ საქონელზე, სადაც მითითებული იქნება კონკრეტული სასაქონლო ნიშანი, მოდელი, წარმოშობის წყარო ან მწარმოებელი (ასეთის არსებობის შემთხვევაში) იგულისხმება „მსგავსი“ ან „ეკვივალენტური“.

1.7 სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

1.8 პრეტენდენტს არა აქვს უფლება წარმოადგინოს ალტერნატიული სატენდერო წინადადება

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, წერილობითი მიმართვის შემთხვევაში. მის: ქ. თბილისი, ნაძალადევის რაიონის გამგეობის ადმინისტრაციული შენობა, სანჯონა, კორპ. N16 მ/ტ

საკონტაქტო პირი: ნინო კიკვაძე 591-94-53-73

ტექნიკური დავალება

ქ. თბილისის ნაძალადევის რაიონის გამგეობის ადმინისტრაციული შენობისათვის ავეჯის შესყიდვა.

გამარჯვებულმა კომპანიამ უნდა უზრუნველყოს საოფისე ავეჯის მიწოდება, აწყობა, მონტაჟი შემდეგ მისამართზე: ქ. თბილისი, სარაჯიშვილის ქ. №1გ.

N	დასახელება	ტექნიკური მახასიათებლები	რ-ბა
1	მაგიდა №1 ტუმბოთი	სამუშაო მაგიდა მისადგმელით. მაგიდის და მისადგმელის მასალა - 18მმ- ანი მდფ, გასქელებული 3,6მმ სიმაღლეზე. მაგიდა და მისადგმელი წინა მდფ პანელით. მაგიდის ზომა: სიგანე 200სმ, სიღრმე 80სმ, სიმაღლე 75სმ. კაბელების ამოსაყვანი ნახვრეტით. მისადგმელის ზომა სიგანე 100სმ, სიმაღლე 75სმ, სიღრმე 50სმ. მისადგმელი მიერთებული უნდა იყოს მაგიდასთან, კომპლექტი (მაგიდა მისადგმელით) უნდა იდგეს 3 მეტალის ფეხზე. მეტალის სისქე არანაკლებ - 2მმ. მაგიდის პანელის ზომა 200სმ X50სმ, მისადგმელის პანელის სიმაღლე 50სმ. მაგიდის, მისადგმელის და პანელის წიბოები PVC 1მმ-იანი კრონკით მოპირკეთებული. ტუმბო -(გორგოლაჭებზე) 3 უჯრით, ტელესკოპური გალებით, ზედა უჯრა საკეტიტ. ზომა: სიგანე -40, სიღრმე - 52სმ , სიმაღლე - 60სმ. მასალა - 18მმ- ანი მდფ, წიბოები PVC 1მმ-იანი კრონკით მოპირკეთებული, მეტალის სახელურებით ფერი - შემსყიდველთან შეთანხმებით	2 კომპლ
2	მაგიდა №2 ტუმბოთი	სამუშაო მაგიდა - მასალა - 18მმ- ანი ლამინატი. წინა პანელით. მაგიდის ზომა: სიგანე 140სმ, სიღრმე 60სმ, სიმაღლე 75სმ. მაგიდის წიბოები PVC 2მმ-იანი კრონკით მოპირკეთებული. კაბელების ამოსაყვანი ნახვრეტით. მეტალის ფეხებზე. მეტალის სისქე არანაკლებ - 2მმ. წინა პანელის ზომა: სიმაღლე 50სმ, სიგანე 140სმ. ტუმბო - (გორგოლაჭებზე) 3 უჯრით, ტელესკოპური გალებით, ზედა უჯრა საკეტიტ. ზომა: სიგანე -40, სიღრმე - 52სმ , სიმაღლე - 60სმ. მასალა - 18მმ- ანი ლამინატი, წიბოები 2მმ-იანი PVC კრონკით მოპირკეთებული. მეტალის სახელურებით. ფერი - შემსყიდველთან შეთანხმებით	10 კომპლ
3	საოფისე სავარძელი	სავარძელი, შავი ფერის .ბადის საზურგით გაფორმებული ტყავის ელემენტებით. ქრომირებული მეტალის ფეხით, 5 ცალი გორგოლაჭით. სიმაღლის რეგულირება ჰიდრაულიკური მექანიზმით (დიაპაზონი 10 სმ.) რწევის რეჟიმი საწყის პოზიციაში ფიქსაციით. დასაჯდომის სიმაღლე 45-46 სმ. (რეგულირებადი) სიღრმე არანაკლებ 50 სმ, სიგანე არანაკლებ 49 სმ. საზურგის სიმაღლე იატაკიდან 119-120 სმ. საზურგის სიმაღლე დასაჯდომიდან არანაკლებ 70 სმ, სახელურის სიგანე არანაკლებ 6 სმ. მანძილი სახელურიდან სახელურამდე არანაკლებ 50 სმ. სახელურის სიმაღლე დასაჯდომიდან 20-22 სმ.	2 ცალი
4	საოფისე სკამი	ფერი: შავი, სკამის დასაჯდომი და საზურგე ნაჭრის, დაფიქსირებული ზურგით. შავი მეტალის კარკასით, სკამის ფეხები მეტალის მილებით და პლასტიკური ქოშებით. , სკამის დასაჯდომი და საზურგე პლასტიკური ძირით დასაჯდომის სიმაღლე: არანაკლებ 44 სმ დასაჯდომის სიგანე: არანაკლებ 53 სმ საზურგის სიმაღლე: არანაკლებ 40 სმ საზურგის სიმაღლე: არანაკლებ 47 სმ დასაჯდომის სიღრმე: არანაკლებ 42 სმ მთლიანი სიმაღლე: არანაკლებ 80 სმ	20 ცალი

შენიშვნა:

* საქონლის ტიპი და ვიზუალურ-ტექნიკური მახასიათებლები (ხარისხი, ფაქტურა, ფერი, ზომები და სხვა) თანხმდება შემსყიდველთან. ავეჯის სიგრძე, სიგანე, სიმაღლე და სიღრმეზე დასაშვებია 5 სანტიმეტრიანი ცდომილება;

** ავეჯის მწარმოებელს (მწარმოებლებს) საჭიროა გამოყენებული ჰქონდეს მოდულარული კონსტრუქციები, რაც უზრუნველყოფს არაერთჯერად მარტივად დაშლა-აწყობას.

2. საქონლის მიწოდების პირობები:

- 2.1. საქონლის მიწოდების პერიოდში მიმწოდებელი ვალდებულია დაიცვას შენობაში სისუფთავე, შენობაში უკვე განხორციელებულია სამშენებლო სამუშაოები. მიმწოდებელი მის მიერ გამოწვეული ნებისმიერი სახის ზემოქმედების/დაზიანების შემთხვევაში სრულად აგებს პასუხს.
- 2.2. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სახელმწიფო შესყიდვების ერთიან ელექტრონულ სისტემაში (შემდგომში – სისტემა) მითითებული უნდა იქნეს დღგ-ს გათვალისწინებით
- 2.3. საქონლის მიწოდება, აწყობა, მონტაჟი და განლაგება გეგმის შესაბამისად უნდა განხორციელდეს ქ.თბილისში, სანხორონის დასახლება კორპ. №16 მიმდებარედ (ნაძალადევის რაიონის გამგეობის ადმინისტრაციული შენობა), ერთიანად- **ხელშეკრულების გაფორმებიდან არაუგვიანეს 15 (თხუთმეტი) კალენდარულ დღეში**
- 2.4. ანგარიშსწორება მოხდება უნაღდო ანგარიშსწორებით ლარში, ფაქტობრივად მიწოდებული საქონლის ღირებულების მიხედვით, შესაბამისი მიღება-ჩაბარების აქტის გაფორმებიდან 10 (ათი) სამუშაო დღის ვადაში.
- 2.5. ალტერნატიული წინადადება არ განიხილება;
- 2.6. მიწოდებულ საქონელზე უნდა გავრცელდეს შემდეგი საგარანტიო **არანაკლებ 2(ორი) წელი**, თუ მიწოდებული საქონლის საგარანტიო ვადის ამოწურვამდე აღმოაჩნდება ან გამოუვლინდება ნაკლი ან/და დეფექტი, მიმწოდებელი ვალდებულია, შემსყიდველის შეტყობინებიდან გონივრულ ვადაში უზრუნველყოს ნაკლიანი საქონლის უნაკლოთი და ახლით შეცვლა ან ნაკლის გამოსწორება;
- 2.7. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია ტენდერისთვის სტატუსის „წინადადების მიღება დასრულებულია“ მინიჭებიდან არაუგვიანეს 5 სამუშაო დღეში პრეტენდენტისაგან მოითხოვს ფასწარმოქმნის ადეკვატურობის დასაბუთებას, რაზეც წარმოდგენილი უნდა იქნას შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულება ან/და ანგარიშფაქტურა (ინვოისი) ან/და სხვა ისეთი დოკუმენტაცია, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ფასწარმოქმნის ადეკვატურობის დასაბუთების წარმოდგენლობა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება ამ წესის მე-12 მუხლის მე-11–მე-14 პუნქტებით განსაზღვრული წესები.
- 2.8. ვაჭრობის დამატებითი რაუნდების შედეგად ფასის ცვლილების შემთხვევაში, შემოთავაზებული საქონლის შეცვლა სხვა, უფრო დაბალი ხარისხის ანალოგიური საქონლით დაუშვებელია;
- 2.9. მიმწოდებლის მიერ დანართი №1-ის წარმოდგენლობა ან/და დანართში არსებითი შეუსაბამობა გამოიწვევს მის დისკვალიფიკაციას.

3. მიმწოდებელმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

- ა) კომპანიის რეკვიზიტები (საბანკო რეკვიზიტები, ხელმძღვანელობაზე და წარმომადგენლობაზე უფლებამოსილი პირის სახელი და გვარი);
- ბ) ფასთა ცხრილი „დანართი N1“-ში მოცემული ფორმის შესაბამისად;
- გ) ინფორმაცია ანგარიშსწორებისა და საგარანტიო ვადების შესახებ;

შენიშვნა:

- პრეტენდენტის მიერ ელექტრონულ სისტემაში ატვირთული სატენდერო დოკუმენტაცია უნდა იყოს ხელმოწერილი და ბეჭედადამული (არსებობის შემთხვევაში) უფლებამოსილი პირის მიერ.
- პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას, რომელიც აღწერილია სატენდერო დოკუმენტაციაში.

ხელშეკრულება სახელმწიფო შესყიდვის შესახებ N

ქ. თბილისი

2015 წელი

ქ. თბილისის ნაძალადევის რაიონის გამგეობა (შემდგომში - შემსყიდველი), წარმოდგენილი გამგებლის ----- სახით, ერთის მხრივ და ----- (შემდგომში - მიმწოდებელი) დირექტორის ----- სახით, მეორეს მხრივ, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, SPA ----- ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

მუხლი 1. ხელშეკრულების საგანი

- 1.1 ავეჯი (შემდგომში „საქონელი“) – (CPV კოდი: 39100000) ხელშეკრულების პირობებისა და N1 დანართის შესაბამისად, რაც, თავის მხრივ, წარმოადგენს ხელშეკრულების განუყოფელ ნაწილს.

მუხლი 2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს ----- ლარს დღგ-ს ჩათვლით.
- 2.2. ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

მუხლი 3. ანგარიშსწორების ფორმა და ვადები

- 3.1. მიმწოდებელთან ანგარიშსწორება განხორციელდება უნაღდო ანგარიშსწორებით ლარში, ფაქტობრივად მიწოდებული საქონლის ღირებულების მიხედვით, შესაბამისი მიღება-ჩაბარების აქტის გაფორმებიდან 10 (ათი) სამუშაო დღის ვადაში.
- 3.2. წინასწარი ანგარიშსწორება არ გამოიყენება

მუხლი 4. საქონლის მიღება-ჩაბარების წესი

- 4.1. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 4.2. შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს

მუხლი 5. საქონლის მიწოდების ადგილი და ვადა

- 5.1. საქონლის მიწოდების ადგილია: ქ. თბილისი, სანჯონის დასახლ. კორპ.16 მ/ტ - ნაძალადევის რაიონის გამგეობის ადმინისტრაციული შენობა
- 5.2. საქონლის მიწოდება განხორციელდება ხელშეკრულების გაფორმებიდან 15 (თხუთმეტი) კალენდარული დღის განმავლობაში.

მუხლი 6. მხარეთა უფლება-მოვალეობები

- 6.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.
- 6.2. შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.
- 6.3. მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებულ ვადებში.
- 6.4. მიმწოდებელი ვალდებულია:
- ა) მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;
 - ბ) შესაბამისი შეტყობინების შემთხვევაში დროულად აღმოფხვრას მიწოდებული შესყიდვის ობიექტის შემოწმების შედეგად გამოვლენილი წუნი შემსყიდველი ორგანიზაციის მხრიდან რაიმე დამატებითი დანახარჯების გაწევის გარეშე, წუნდებული საქონლის ან/და მისი ნაწილის გამოცვლის ან/და შეკეთების გზით;
 - გ) შესყიდვის ობიექტის მიწოდებისას აცნობოს შემსყიდველ ორგანიზაციას ყველა განსაკუთრებული გარემოების შესახებ.

მუხლი 7. გარანტია

- 7.1. წინამდებარე ხელშეკრულების საფუძველზე შესყიდული საქონლის საგარანტიო ვადაა წელი
მიღება-ჩაბარების აქტის გაფორმებიდან.
- 7.2. თუ მიწოდებული საქონლის საგარანტიო ვადის ამოწურვამდე აღმოჩნდება ან გამოვლინდება ნაკლი ან/და დეფექტი, მიმწოდებელი ვალდებულია შემსყიდველის შეტყობინებიდან გონივრულ ვადაში უზრუნველყოს ნაკლიანი საქონლის უნაკლოთი და ახლით შეცვლა ან ნაკლის გამოსწორება.

მუხლი 8. პირგასამტეხლო ხელშეკრულების პირობების შეუსრულებლობისათვის

- 8.1. ხელშეკრულებით ნაკისრი ვალდებულების შესრულების ვადის გაშვების შემთხვევაში, მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.
- 8.2. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 9. ხელშეკრულებაში ცვლილების შეტანა და ხელშეკრულების შეწყვეტა

- 9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 9.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 9.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 9.5. მხარე ვალდებულია 9.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 9.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 10. დაუძლეველი ძალა

- 10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობის გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

მუხლი 11. დავები და მათი გადაწყვეტის წესი

- 11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 12. ხელშეკრულების მოქმედების ვადა

- 12.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2014 წლის _____, გარდა მე-7 მუხლისა.
- 12.2. ხელშეკრულების მე-7 მუხლი ძალაშია საქონლის მთლიანი საგარანტიო პერიოდის განმავლობაში.

შემსყიდველი:

მიმწოდებელი:

ფასების ცხრილი

პრეტენდენტის დასახელება -----

N	დასახელება	ტექნიკური მახასიათებლები	მწარმოებელი ქვეყანა	ბრენდი/ მოდელი	რ-ზა	ერთეულის ფასი	საერთო ფასი
1	მაგიდა №1 ტუმბოთი				2 კომპლ		
2	მაგიდა №2 ტუმბოთი				10 კომპლ		
3	საოფისე სავარძელი				2 ცალი		
4	საოფისე სკამი				20 ცალი		
სულ ჯამი							

პრეტენდენტის ხელმოწერა და ბეჭედი _____